



Pale ena e bua ka Kgothatso Montjane.

O tswaletswe Polokwane ka selemo sa 1986,
motseng wa Seshego.

Ngwananyana enwa o tswetswe ka lefu le
tshwaeditseng matsoho le maoto a hae.

Empa le ha ho lefwalo o ile a tuma ka ho ba
naletsana ya thenese.



Ka lebaka la lefu lena, dingaka di ile tsa tshwanela ho mo poma leoto le leng ka tlasa lengwele. O sebedisa leoto la polasitiki.

Ha esale ngwana, bana ba bang ba ne ba sa rate ho bapala le yena ka baka la boqhwalaba hae.

Empa mmae o ne a sa mo kgese, le yena o ne a mo abetse mesebetsi ya ka lapeng.



Mme wa Kgothatso o ile a mo romela sekolong se ikgethileng sa Helen Franz. Sena ke sekolo sa bana ba qwhadileng.

Ke sekolong sena moo Kgothatso a ileng a bontsha talente dipapading.

Sekolong sena ba ile ba mo ruta tantshi ya *Ballroom* le ya *Latin American*.



E mong wa matitjhere a Kgothatso, o ile a mo kgetha ho emela sekolo sa bona kampong ya thenese e neng e le Johannesburg.

Kgothatso o ne a soka a bapala thenese!

Kgothatso a re, "Ke ne ke tlameha ho etsa ntho ena, hobane ke rutuwe ho hlompha baholo ba ka."



Kgothatso a bapala hantle kampong ya thenese. Ena ya eba qalo ya leeto la hae la ho ba naletsana ya thenese e sebedisang setulo sa mabidi lefatshe ka bophara.

A fumana nyehelo ya setulo sa mabidi le disebediswa tse ding tsa thenese.

O ne a le tseleng ya ho ba e mong wa dibapadi tse qhwadileng tse hlwahlwa Afrika Borwa.



Kgothatso a qala ho kenela ditlhodisano tsa thenese lefatshe ka bophara a sebedisa setulo sa mabidi.

A hapa ditlhodisano tsa Belgium le Switzerland. Thonamente ya thenese ya Swiss e bile yona ya e ratileng haholo.

Mona Afrika Borwa, o ile a tlotlwa hararo jwaloka moparalimpiki wa selemo wa mosadi dipapading.



Ka selemo sa 2013 le 2014, o ile a nka karolo dithonamenteng tsa Australia, France le Amerika.

O bapetse thenese disengeleng a le mong, ha didaboleng a ne a ena le sebakadi se seng.



Kgothatso hape a kana la ditlhodisano tsa dipapadi tsa diparalimpiki, tsona ke dipapadi tsa diolimpiki tsa dibapadi tsa batho ba qhwadileng.


Ho ikwetlisetsa dipapadi tsena ho ne ho le boima, feela Kgothatso ha a ka ba a nyahama.

Ebille leloko la komiti ya diparalimpiki tsa Afrika Borwa tsa dilemo tsena, 2008, 2012 le 2016.




Kgothatso o sebeditse ka thata dithutong tsa hae. O kene Yunibesithing ya Venda moo a ileng a ithutela dikri ya boithapollo le Saense ya dipapadi.

Yunibesithing papadi ya thenese e bapalwang ka setulo sa mabidi e ne e le yona feela e neng e ka bapalwa ke batho ba qhwadileng.



Wimbledon e Engelane, ke lebala la kgale le tummeng, le nang le jwang ba thenese moo ho tshwarelwang ditlhodisano tsa selemo le selemo.

Ka selemo sa 2018, Kgothatso ile ya eba moAfika Borwa wa pele wa mosadi ho fihla pheletsong ya tlhodisano *Wimbledon*.



Kgothatso o ne a tshwanetse ho nka leeto ho ya thonamenteng ya *Wimbledon*.

Feela ho ne ho sena tjhelete ya ho mo lefella sefofane le bodulo.

Kgothatso o ne a tshwenyehile a nahana hore ha a no finyella leetong lena ka baka la kgaello ya tjhelete.

Ka lehlohonolo, o ile a fumana tshehetso mokgatlong wa dikgwebo wa basadi.



Wimbledon e ne e le thonamente ya *Grand Slam* ya bone ya Khothatso ka 2018.

Grand Slam ke tlhodisano tse nne tsa maemo a hodimodimo tsa papadi ya thenese.

Ebile sebakadi sa pele sa moAfrika Borwa sa thenese ya setulo sa mabidi, ho kenela ditlhodisano tseo di le nne ka selemong se le seng.



Kgothatso ke sebapadi sa maemo a hodimo mona Afrika Borwa le Afrika. Maemo a hae ke a bohlanano lefatsheng ka bophara.

Katlehong yeo ya hae, Kgothatso o thusa le ho tshehetsa dibapadi tse ding tse qhwadileng.

O bontsha hore motho a ka fihlella toro e nngwe le enngwe bophelong a ntse a qhwadile.



—Dipotso

1. Kgothatso Montjane ke mang? Hlalosa.
2. Kgothatso o qadile jwang ho bapala thenese?
3. Bolela lebitso la sekolo seo Kgothatso a ithutileng motantsho wa *Ballroom* le wa *Latin American*?
4. Kgothatso o ile a kenela ditlhodisano tse nne tsa *Grand Slam* ka selemo sefe? Hobaneng ha hona ho le bohlokwa?



Pale ena e qapuwe le ho ngolwa ka Setswana, e le karolo ya projeke ya 2021 ya Zenex Ulwazi Lwethu ya dibuka tse balwang.

